

Bosna i Hercegovina
Federacija Bosne i Hercegovine
Kanton Sarajevo
Komisija za tumačenje odredaba i praćenje primjene Kolektivnog ugovora za državne službenike i namještenike u organima državne službe Kantona Sarajevo

Broj: 03/03-02-2977/23
Sarajevo, 06.02.2023. godine

Na osnovu člana 104. stav (2) alineja a) Kolektivnog ugovora za državne službenike i namještenike u organima državne službe Kantona Sarajevo ("Službene novine Kantona Sarajevo", broj 30/22), Komisija za tumačenje odredaba i praćenje primjene Kolektivnog ugovora za državne službenike i namještenike u organima državne službe Kantona Sarajevo u sastavu Onahti Čerkez - predsjednik, Elvis Zornić - zamjenik predsjednika, Azra Koldžo - član i Jasmina Lukovac - član, povodom zahtjeva Admir Begonović, broj: 03-02-2977/23 od 01.02.2023. godine, a u vezi sa tumačenjem člana 73. Kolektivnog ugovora za državne službenike i namještenike u organima državne službe Kantona Sarajevo (u daljnjem tekstu: Kolektivni ugovor), na redovnoj sjednici održanoj dana 06.02.2023. godine, *d o n o s i*

ODLUKU

I

Utvrđuje se tumačenje člana 73. stav (2) Kolektivnog ugovora, kako slijedi:

"Naknada za slučaj povrede na radu, teške bolesti i invalidnosti isplaćuje se samo jednom po osnovu iste povrede, iste teške bolesti ili istog invaliditeta. Ukoliko državni službenik ili namještenik više puta traži naknadu po ovom osnovu, rukovodilac organa odlučuje o zahtjevu i utvrđuje da li je zahtjev osnovan temeljem relevantne medicinske dokumentacije/potvrde Ministarstva unutrašnjih poslova. Ukoliko nije riječ o istoj povredi, istoj teškoj bolesti ili istom invaliditetu, temeljem koje je državni službenik ili namještenik ranije dobio naknadu, zahtjevu će se udovoljiti."

II

Ova odluka će se dostaviti podnosiocu zahtjeva i Sindikatu putem Ministarstva pravde i uprave Kantona Sarajevo.

III

U skladu sa odredbom člana 104. stav (8) Kolektivnog ugovora, ova odluka ima pravnu snagu i učinak Kolektivnog ugovora, te će se u skladu sa članom 104. stav (14) objaviti u Službenim novinama Kantona Sarajevo.

Članovi komisije:
Onahti Čerkez
Elvis Zornić
Azra Koldžo
Jasmina Lukovac

